

四明叢書
張宗祥



夏小正求是卷二

清鎮海姚
燮復莊撰

四月

昴則見 無傳

昴辰見于東方梁氏曰四月日在昴故昴先日而出
日出而隱昴廣十度三十六星。

初昏南門正 傳曰南門者星也歲再見一正蓋大正
所取法也

范家相曰月令孟夏之月昏翼中小正曰南門正者

今測小滿以後亢宿第二星正中亢與南門近故小
正曰南門正小滿以後軫宿正中軫與翼近故月令
曰昏翼中蓋所記時有早晚不同耳今案史記天官
書亢南北兩大星曰南門邵泰衢曰南北當作東西
南門二星在庫樓之南東西橫列未嘗南北列也惟
平星二星南北斜列而星亦不大

鳴札 傳曰札者寧縣也鳴而後知之故先鳴而後札
爾正札蜻蜻注如蟬而小廣正名跖趺予謂札同蜚
卽今之叫哥哥其小者名札兒色青腹大類廣而方

長寸許善翼鳴聲無韻但札札然因呼曰札方言謂之麥札札鳴而麥熟也惟江北有之

囿有見杏 傳曰囿者山之燕者也

杏春華夏實五月則爛然黃茂矣四月色青尙未可食曰見始見之也盧諶祭法夏祠用杏記之以備籩實

鳴蜮

傳曰蜮也者

疑脫蜮也二字觀或說則自知戴氏以爲短弧矣淮南子造是蜮蜮

或曰屈造之屬也

蜮當讀爲蝮古文蝮蜮同字月令蝮蜮鳴注蝮蜮蝮

本草蝦蟆一名蟾蜍俗呼癩獅蒼皮癰疹出沒泥沙
善躍夜鳴聒耳水生曰鼃田生曰蛙蛙今田雞之屬
形小後腳肥故鄭康成云御食鳴聲國國然因呼曰
蝮蜮蝮音近古音轉注之例互通用故鄭司農云蝮
讀如蜮若短弧亦名蜮服虔曰南方盛暑江淮水生
狀如鼃古無今有見人影輒射鮑昭詩曰含沙射流
影卽此春秋經書秋有蜮呂覽注蜮或作蜮蜮也食
苗心曰蝮食葉曰蜮兗州人謂蜮爲蜮是蜮蜮爲一
物秋方期有收聖人慮蜮傷禾稼故傳云記災後世

水生蟲乃有害人之說知服解是矣集解引廣博物志云短弧上弩于孟夏蛾爲短弧無疑子考埤疋蛾長角橫口前如弩擔臨其角端曲如上弩以氣爲矢中毒者病疥集解以蛾爲短弧已失古人有無之義藉令古有是物蛾之鳴仍未詳豈以上弩射影之卽爲蛾鳴耶諸錦曰蛾鼃也一說含沙非

別義莊述祖曰二月有鳴倉庚傳文商庚者長股也案倉庚不名長股四月鳴蛾傳文或曰二字與蛾也者三字不相聯屬長股也三字當在蛾也者

之下或曰之上蛾與蝸同蝸鼃也廣疋鼃蝸長股也本此其商庚者三字後人以意加之耳余案莊說固近是但既以蛾爲長股矣傳何復贅屈造之句耶故未敢信范家相曰屈造未詳或曰草蟲也

王萇秀

案小正秀字之例有二記云某草秀者指榮而實者言之如王萇秀并秀是也記云秀某草者

指榮而不實者言之如秀幽秀霍葦是也實卽根也故先草而後秀榮卽華也故先秀而後草小正書法如此

無傳

今之菰草也呂覽作王萇生萇萇同字

穆傳萇萇注萇今萇

字音倍

徐堅王萇卽草萇本草草萇卽菰草生莖刺

四月開黃花結實葉如王瓜故又名王瓜草廣疋王
白萑又曰葵菇瓠瓠王瓜也明萑與王瓜爲二物鄭
氏注月令以萑卽王瓜誤矣

取茶

傳曰茶也者以爲君薦蔣也

王觀國曰說文萑陳草復生也一日

蔕玉篇廣韻萑草萑也薦也蔕與薦皆席之異名
又曰東門詩有女如荼鄭箋曰茶茅秀也周禮掌茶
聚以供喪事鄭註曰茶茅以著物也儀禮
既夕禮曰茵著用茶皆爲釋茅秀之證

取當讀爲聚取省文周官掌以時聚茶注茶茅秀本
草今之白茅春生茅針四月開白花茸茸成穗秋生
曰菅茅花如荻卽七月灌茶是也禮茵著用茶注茵

蓐也蓐同褥蔣卽茵韓子夏禹爲茵蔣席薦亦席名
物原神農始作薦說文箬蒲可作薦古無木棉之利
故取茶以爲君薦蔣之褚耳今猶有取蒲取蘆秀者
茶則不復用矣

別義范家相曰案蔣乃菰屬一名茭草八月開花
至秋結彫胡米曲禮稻曰嘉蔬注以爲菰蔬之屬
內則食蝸醢而菰食雉羹注菰彫胡也周禮天官
魚宜菰是蔣本蔬食所重之物薦蔣古必有禮而
今不可考矣但蔣實在秋而取茶之典在夏預爲

之蓄耳梁萬方曰荼苦菜花黃似菊出山田澤中
生寒秋得霜脆美凌冬不凋歷春得夏乃成詩堇
荼如飴荼名苦菜而實甘美取之爲君薦蔣者蔣
彫胡菰也米名彫胡王饌用六穀菰與焉君食菰
飯乃以苦菜進之任文田曰爾疋櫝苦荼注葉可
煮羹飯今呼早取者爲荼晚取爲茗一名薺

秀幽 無傳

幽莠草名國策魏文侯曰幽莠之幼也似禾注莠禾
下生草今狗尾草也詩幽風四月秀萋卽此廣疋萋

秀也穆傳茅萑蒹葭注葭莠屬李巡曰葭之言幽古音之轉耳莠無實故幽曰秀韋昭曰凡榮而不實者曰秀

別義曹粹中曰爾疋葭繞棘苑注今遠志也似麻黃赤華葉銳而黃其上謂之小草說文劉向說葭味苦謂之苦葭本草遠志一名棘苑一名葭繞一名細草生太山冤句川谷四月采根葉陰乾參訂諸說知葭爲遠志明矣余案自有葭爲遠志之說近儒拘葭幽轉注之音卽以幽爲遠志矣夫幽榮

而不實故小正不曰幽秀而曰秀幽若遠志則三月開花四月結實榮而實矣當如王賁秀并秀之例曰幽秀說之謬誤顯甚且蓼幽是莠草均有明證何反從蓼爲遠志之說乎吾故疑幽風四月秀蓼舊訓亦誤

越有大旱 傳曰紀時爾

徐世溥曰淮北則然夏都安邑從畿甸記時也江南則三四月苦霖矣餘詳三月

執陟攻駒 傳曰執也者始執駒也執駒也者離之去

母也陟升也執而升之君也攻駒也者教之服車數舍之也

執月令作繫說文馬絆曰繫陟同隲爾疋牡馬曰隲
執繫省陟隲省古文但通用鄭氏曰游牝妊孕已遂
爲牡氣有餘防踞齧故繫之駒小馬五尺曰駒攻習
也駒生甫二歲未閑驅策若遽駕之馬窮則佚古人
駕馬法執馬車前隨駒車後使習見老馬之服轅則
以之駕而不驚矣所謂將閑諸則也執隲乃所以攻
駒小正之義如此傳說謬

五月

參則見 傳曰參也者伐星也故盡其辭也

參星晨見于東方五月日在東井之末參距日三十度伐三星居參下詩傳曰參伐也說本此

別義范家相曰案與上四月昴則見經文皆不知所謂四月五月昴參皆非中星何以記之且篇首三月明書參則伏矣豈有逾一月而參復見之理或曰此蓋爲旦之中星不知小正一書記昏不記旦且四月五月女危二宿旦星正中非參昴也竊

以此爲十一十二月經文之錯簡而傳經者不察耳十一月昴則見十二月參則見正其時也故正月經文大書之曰初昏參中斗柄縣在下較然無疑者小正本非完書十一十二月經文求略其爲脫簡多矣今案四月昴五月參皆晨見于東方凡小正記星候南方見則曰中東西見則曰見參昴皆非中星故曰見范說謬且九月明明有參中則旦之文而謂小正記昏不記旦何耶

蜉蝣有殷 傳曰殷眾也蜉蝣殷之時也蜉蝣渠略也

朝生而莫死稱有何也有見也

爾疋蜉蝣渠略注似蜉蝣而小大如指頭甲下有翅
善飛或曰榆上蠶蛾翅羽潔白生時羣然而飛一兩
日卽死滿地予以繪圖攷之蜉蝣乃今蜉蝣屬郭說
是也本草夏月陰雨後叢生濕土中螻蛄蠹竭所化
叢生卽眾生之義故曰殷淮南子龜壽三千蜉蝣不
過三日說文朝生而夕死王夫之曰微子之蟲非人
所飼畜其生其死何從知之蠅蝋蝶蛸之類大抵多
變化而非死但不久於其類耳古人最多已甚之言

舊說未足深信

鵙則鳴 傳曰鵙也者百鵙也鳴者相命也其不辜之時也是善之故盡其辭也

月令仲夏鵙始鳴說文無鵙字鵙同鵙爾正鵙伯勞
一曰伯趙一曰博勞古音之轉耳郭注形似鵙鵙而
大或曰卽今苦吻鳥孔疏夏至來冬至去鳴聲鵙鵙
故名曰鵙離騷恐題鵙之先鳴兮使百草爲之不芳
五月一陰生正百草不芳之候也詩云七月鳴鵙鄭
箋幽地晚寒鳥物之候從其氣焉故詩與小正不合